

EM 410.45

47
2

興
京
縣
志

乙丑七月
王光五



官 民 教 兵
制 治 育 事

第二冊

興京縣志第二卷 官制

目次

公署

縣公署 附地方財政處 附舊監獄暨習藝所

奉天第十四監獄

副都統公署

總管公署

掌關防公署

協領公署

八旗公署

興京縣志

卷二官制

一 奉天太古山房刷印

經歷署

教諭署 一名儒學衙門

稅捐局

職官

理事通判

撫民同知

知府

知事

經歷

教授

副都統
城守尉
協領

興京縣志

卷二官制

二 奉天太古山房刷印

興 京 縣



奉天第四十監獄



粵稽古制岳牧親民三代而後治在州郡是以豹守西河而變惡俗龔宰渤海而戢盜氛守土牧令其關係於民生風化有如此者至若唐之分道設治宋之以路置官雖代異其名制有差異而設官分職職司風土兼及教化者其義一也溯吾興邑設治始於遼清中葉迄今甫百餘年耳其文物之興竟蔚然可觀者殆以廉剛繼美故能期月政成也志官制

官制志

興京官制在清以前雖有名可稽然遠在遐荒設官分職杞宋無徵職官之志以有清始清天聰七年設滿蒙漢駐額兵康熙二十六年設城守尉防校各員以資保衛九年設永陵總管關

興京縣志

卷一官制

三一 奉天太古山房刷印

防暨永陵八旗等官制乾隆二十八年設理事通判一員專理詞訟光緒元年添設副都統光緒三年改通判爲撫民同知移駐新賓堡轄通化桓仁同時改城守尉爲協領同年復設經歷一員教諭一員兼通化桓仁兩縣學政二十九年盛京將軍增祺奏興京撫民同知添轄臨江輯安二縣宣統元年改同知爲興京府民國二年改府爲縣興京官制之沿革畧盡於此今志官署職官於左

興京縣公署

原爲通判署駐老城光緒三年改爲撫民同知移駐新賓堡宣統元年改爲知府民國二年二月改府爲縣考同知公署舊制

向設吏戶禮刑兵工六房每房設經丞一名貼書二十名光緒三十四年同知馬俊顯條陳裁撤六房改設行政司法兩科宣統元年由廳改府於原設兩科外添設統計一科宣統三年變通吏制改設行政司法會計統計四科民國二年四月政府爲廳四月政府教令將原有四科改爲第一第二第三三科每科設科長科員各一員同時取消司法科改設審檢所設幫審員二員同年八月內務財政兩部電令酌減行政經費省令各縣減去第二科民國三年五月二十三日依大總統教令制定縣官制復改爲三科第一科設科長一人第二科設科員一人第三科由承審員掌理之同時撤消幫審員名目民國十年奉天

興京縣志

卷二官制

四

奉天太古山房刷印

省署通令第一第二兩科各設科長一員第三科仍歸承審員掌理之

附地方公款處

原設於縣署東院宣統二年成立專司收警學自治各款民國二年改爲地方收捐處嗣因自治取消歸縣署辦理遷入縣署六年奉省長暨財政廳令仍歸地方紳士辦理仍名爲地方收捐處遷設於勸學所院內設徵收委員一員暨稽徵員僱員等名目兼賣婚書印花九年奉省令取消委員名目遷入縣署設主任一人由地方士紳推選三人呈送省署咨交省議會核議咨財政廳檢定一人令縣加委其餘員司仍舊直隸縣署十年

奉令改地方財政處十三年一月奉令改今名內部組織一仍其舊

附舊監獄暨習藝所

舊監獄共分四項大獄三間附設於縣署之東側別爲一院牆高數仞人命盜犯咸囚於此民事待質所二間位於大獄之前一切民事案件之強自執行者寄此看押刑事待質所四椽位於縣署前門內西側羈押普通刑事罪犯習藝所二十一椽內有女獄兩間除去辦公室看守工作存貨等室外餘爲犯人宿室仿工廠之形勢教判決之罪犯練習工藝其大宗爲木工餘如縫紉製鞋等工作雖間有可觀但均不及木工之善

十四年春舊監拆毀習藝所改保甲所

奉天省第十四監獄

民國十一年奉天高等檢察廳檢察長趙梯青提倡改良新監獄委潘裕忠委員來興與知事沈國冕共同籌畫購縣署西園地施行建築計中央樓房一座辦公室監房浴室等房共一百二十四間可容犯人三百五十名除興京押犯外通桓二縣已決犯均得寄禁於茲計此項建築費由高等廳撥大洋一萬六千元本縣存大洋一萬三千餘元區村警甲紳商捐助小洋三千元共計大洋三萬餘元十一年十月二十九日工程始竣奉天高等檢察廳委任典獄長黃玉衡到興視事第十四監獄始正式成立茲述其職員名額於左

奉天省第十四監獄職員名額

按廳原規定典獄長以下共計三科各科設科長一人現在第一科長由典獄長兼任第三科科長因工業尙未舉辦故未委人祇設第二科長一人又醫士一人教誨師一人男主任看守二人看守十五人女看守一人

副都統公署

光緒元年添設駐永陵東堡統轄興京協領總管關防三署暨開原鳳城鐵嶺撫順旗署轄兵一千零四十九名白色都統任內起始兼奉省全營翼長甲午戰後改編兵制始開去翼長職務光緒二十四年奏請添設興字營馬隊一營步兵一營三十

一年裁撤民國改元後所管各城旗署事務統歸各城縣署辦理惟永陵祭祀典禮工程守護禁山陵寢暨所有旗署官地等事尙歸都統管理署內員額原設筆帖式二員外有承法處摺奏房名曰此中各員概由八旗防禦總管等兼任民國十一年裁撤總管關防二署都署亦同時重新改組都統以下設典制總務兩科各設科長一員典禮文牘庶務會計各一員書記六
一等執事二員二等執事八員三等執事十二員司祭員守衛隊各二員委員五員守衛五十名掃院人二十名厨役十四名其薪俸清皇室發給十四年四月裁撤

總管公署

康熙九年設駐永陵西堡署內職員總管以下左右翼長各一員八旗防禦十六員筆帖式二員章京二員章京品級三員兵八十名國戚兵額一百名督同八旗官佐守護陵寢副都統設後直轄於都統民國十一年都署改組時裁撤

掌關防公署

康熙十一年設駐永陵後堡掌管永陵祭祀及陵內一切事務署內職員關防以下副關防兼內管領一員副關防兼尙膳正一員筆帖二員副員三名香膳人拜唐阿共十四名掃院擺桌人厨役匠等共六十名民國十一年裁撤

協領公署

興京縣志

卷二官制

七

奉天太古山房刷印

原爲城守尉公署駐興京城東門裏康熙二十八年設守尉一防禦四員驍旗校四員筆帖式一員委官四員防禦轄左翼四旗驍騎校統右翼四旗每旗額兵五十九名專司催科捕盜防守兼司八旗檔柵戶口民刑等事迨乾隆二十八年設理事通判民刑等事始歸通判掌理光緒三年改城守尉爲協領添設金錢哈夫四名防禦驍騎校各四名領僱六十四名及鼎革後一律裁撤官房二十一楹曾作保甲分駐所現已廢置曠無人居矣

八旗公署

城守尉初設時八旗分爲左右二翼設翼長二人左翼長轄防

禦四員鑲黃正白正藍鑲白四旗右翼長轄驍騎校四員正黃正紅鑲藍鑲紅四旗以上八旗共設滿洲兵三百八十一名蒙古兵六十七名漢軍兵三十四名實數兵四百七十二名乾隆二十九年移駐塔爾巴哈台二十三名三十年增設足額光緒三年改爲協領添設防禦驍騎校各四員分掌八旗軍務并添兵四百六十四名均歸協領統領馭焉

鑲黃旗署 在興京城東門裏

正黃旗署 在興京城東門裏

正白旗署 在興京城裏東上坎現作農科職業學校

正紅旗署 在興京城裏東南隅

興 京 縣 志

卷二官制

八

奉天太古山房刷印

鑲白旗署 在興京城裏西上坎

鑲紅旗署 在興京城裏南門

正藍旗署 在興京城裏關帝廟後身

鑲藍旗署 在興京城裏協領署後身

經歷署 舊在興京城裏

教諭署 一名儒學衙門

在興京城內就通判署改設學科斗役額數與他縣同光緒三十年燬於俄兵僅餘房十餘間頽垣敗瓦土人移取殆盡宣統元年改教諭爲教授民國元年裁撤

稅捐局

舊名稅務總局光緒十九年設置駐新賓堡西門外後將斗秤山貨兩局歸併始改名爲新賓稅捐徵收總局隸省城財政廳局內組織局長一人稽查一人一等僱員二人二等僱員一人三等僱員四人巡差六人臨時巡差四人夫役三人三等分卡三處每處巡員三人五等分卡二處每處巡員二人臨時分卡三處每處巡員二人常年收入稅額十二萬二千九百零一元

官職

通判

佛全 滿洲旗人乾隆二十八年到任
世昌 滿洲鑲白旗人乾隆三十年到任

興京縣志

卷二官制

九

奉天太古山房刷印

邁圖拉 滿洲鑲紅旗人乾隆三十一年到任
百紹 蒙古正白旗人乾隆三十三年到任
福慶 滿洲鑲藍旗人乾隆三十四年到任
書英額 滿洲鑲黃旗人乾隆三十五年到任
春普 蒙古鑲紅旗人乾隆三十九年到任
文敏 蒙古鑲紅旗人乾隆四十五年到任
多托里 蒙古鑲白旗人乾隆四十七年到任
劉景醇 字伯甫江蘇舉人同治三年到任

乾隆四十七年以下迄同治三年以上各任通判無籍可考故付闕如

同知

許之泰 字子山江蘇人光緒三年初任

馮士懋 字勉之浙江人光緒五年任

錢開震 字少如浙江人光緒六年任

張寅 字采廷浙江人光緒九年任

姚鎔 字冶如浙江人光緒十一年任

徐鏡第 字芙卿浙江人光緒十六年任

徐慶璋 字輿齋浙江人光緒十七年任

陶守愚 字伯明安徽人光緒二十年任

達崇阿 字遠峯北京旗人光緒二十一年任

興京縣志

卷二官制

十

奉天太古山房刷印

張瑞三 字省五京兆人光緒二十二年任

林宗奇 字幼瀛福建人光緒二十三年任

陳璋 字東山湖北人光緒二十四年任

孫壽昌 字芝齋浙江人光緒二十五年任

孫長青 字紹卿浙江人光緒二十八年任

高暄陽 字樸菴江西人光緒二十九年任

馬俊顯 字績卿吉林人光緒三十四年任

知府

廖柄樞 字紫垣福建人宣統元年任

都林布 字雲卿北京人宣統二年任

金衍海 字戢經浙江人宣統二年任

張鳳臺 字鳴岐河南彰德人宣統三年任

知事

忠 芳 字仁齋北京人民國元年任

戴裕忱 字葵甫奉天人民國二年任

鄒健鵬 字子方四川人民國三年任

高寶忠 字子儒奉天人民國八年任

沈國冕 字觀澄江蘇武進人民國九年任

蘇顯揚 字鎮卿遼陽人民國十三年任

經歷

興 京 縣 志

卷二官制

十一

奉天太古山房刷印

陳嘉謨 字亮卿紹興人

蔣有棟 字錫三浙江人

德 凱 字韻泉北京人

王仁恕 字殿卿保定人

楊寶仁 字壽岩安徽人

恩 祿 字荷亭德州人

楊光第 字子培浙江人

劉奎錫 字佐瑞直隸人

教諭

傅 襄 字燮廷直隸人光緒四年任

徐端 字小村直隸人光緒十一年任

翟學洙 字魯泉直隸人光緒十五年任

李振鐸 字聲路復州人光緒二十一年任

孫乃鼎

教授

韓大廷 字蓋臣直隸人光緒二十三年任

劉熙春 字績卿本縣優貢生宣統三年任

副都統

阿啓泰

色楞阿 石友

興京縣志

卷二官制

十二

奉天太古山房刷印

同吉 綺樓

奕霽 惠亭

靈熙 子貞

墨麟

恩澤 浴九

德裕 仲克

城守尉

清凱 字捷亭宗室

餘未詳

協領

奇車布 瑞亭滿洲人
連壽 鶴亭滿洲人
恩善 雨南滿洲人
景祿 星垣滿洲人
毓英 修五滿洲人
成友直 諒臣滿洲人